

Poštovani,

U skladu sa Zakonom o slobodnom pristupu informacijama, molim Ministarstvo vanjskih poslova Crne Gore da mi dostavi podatke o broju državnih službenika Crne Gore koji su, u posljednjih pet godina, učestvovali u programima obuke, razmjene ili drugim programima u Narodnoj Republici Kini, koji su bili organizirani kroz saradnju s kineskom vladom.

Potrebne informacije su:

- Broj državnih službenika Crne Gore koji su u posljednjih pet godina učestvovali u programima obuke, razmjene ili drugim programima u Narodnoj Republici Kini, koji su bili organizirani kroz saradnju s kineskom vladom.
- Imena tih programa.

Ukoliko nije moguće pronaći podatke za taj vremenski period, molim Vas za podatke od prošle godine.

Zahvaljujem se na Vašem vremenu i očekujem Vaš odgovor u zakonskom roku.

Srdačno,

Maida Salkanović



Crna Gora
Ministarstvo vanjskih poslova

Broj: 4/3-041/24-3673-2

Podgorica, 31.10.2024. godine

Na osnovu člana 30 Zakona o slobodnom pristupu informacijama („Službeni list CG“, br. 44/12 i 30/17), postupajući po zahtjevu za slobodan pristup informacijama Maide Salkanović, broj 4/3-041/24-3673 od 17.10.2024. godine, generalni sekretar, saglasno Rješenju o privremenom prenosu ovlašćenja broj: 4/2-041/24-2913-2 od 11.09.2024. godine, donio je

RJEŠENJE

Usvaja se zahtjev Maide Salkanović koji se odnosi na dostavljanje „informacije o broju državnih službenika Crne Gore koji su u posljednjih pet godina učestvovali u programima obuke, razmjene ili drugim programima u Narodnoj Republici Kini, koji su bili organizirani kroz saradnju s kineskom vladom; imena tih programa“.

Troškova postupka nije bilo.

Pristup informaciji će se ostvariti dostavljanjem informacije na mejl adresu salkanovic.maida@gmail.com, kako je traženo od strane podnosioca zahtjeva.

Obrazloženje

Maida Salkanović, podnijela je Ministarstvu vanjskih poslova zahtjev koji je evidentiran u Ministarstvu pod brojem: 4/3-041/24-3673 od 17. oktobra 2024. godine, kojim je traženo dostavljanje „informacije o broju državnih službenika Crne Gore koji su u posljednjih pet godina učestvovali u programima obuke, razmjene ili drugim programima u Narodnoj Republici Kini, koji su bili organizirani kroz saradnju s kineskom vladom, imena tih programa“.

U postupku odlučivanja po predmetnom zahtjevu, uvidom u službene evidencije utvrđeno je da Ministarstvo vanjskih poslova posjeduje traženu informaciju samo u dijelu učestvovanja na programima obuke u Narodnoj Republici Kini službenika Ministarstva vanjskih poslova. Naime, u periodu naznačenom u zahtjevu dvije službenice Ministarstva vanjskih poslova učestvovala su na Radionici za evropske diplomate, i to u periodu 18-27. jula 2023. godine i 21-23. jula 2024. godine. Ministarstvo ne raspolaže podacima koji se odnose na državne službenike van Ministarstva vanjskih poslova.

Članom 30 stav 1 Zakona o slobodnom pristupu informacijama propisano je, između ostalog, da o zahtjevu za pristup informaciji ili ponovnu upotrebu informacija, organ vlasti odlučuje rješenjem, kojim dozvoljava pristup traženoj informaciji, odnosno ponovnu upotrebu informacija ili njenom dijelu ili zahtjev odbija.

Članom 21 Zakona propisano je, između ostalog, da podnosilac zahtjeva ima pravo da izabere način na koji želi da ostvari pristup traženoj informaciji, kao i da je organ vlasti dužan da omogućiti pristup

informaciji na način iz stava 1 ovog člana za koji se podnosilac zahtjeva opredijelio, osim ako zahtijevani način pristupa nije tehnički moguć.

Na osnovu naprijed izloženog, odlučeno je kao u dispozitivu rješenja.

PRAVNA POUKA: Protiv ovog rješenja može se izjaviti žalba Agenciji za zaštitu ličnih podataka i slobodan pristup informacijama, u roku od 15 dana od prijema rješenja, neposredno ili preko ovog ministarstva.



GENERALNI SEKRETAR,
Adis Pepić

Dostaviti:

- podnosiocu zahtjeva;
- u spise predmeta;
- a/a.

Obuke u Narodnoj Republici Kini

	Broj službenika	Naziv obuke	Period
1	1	Radionica za evropske diplomate	18-27. jul 2023. godine
2	1	Radionica za evropske diplomate	21-31. jul 2024. godine